

**Broj:** 09-11-3-1608-5/20  
**Mostar,** 28.10.2020. godine

Na osnovu člana 69. stav (2) tačka e) i člana 70. stav (1), (4) i (6) Zakona o javnim nabavkama ("Službeni glasnik BiH", broj 39/14), na Preporuku Stalne komisije za javne nabavke broj: 09-11-3-1608-4/20 od 28.10.2020. godine u postupku javne nabavke opreme za žigosanje predmeta od plemenitih metala – Oznaka i naziv iz JRJN: 44423800-9- Metalni žigovi, federalni ministar energije, rudarstva i industrije, donosi

## **O D L U K U**

**o poništenju postupka za javnu nabavku opreme za žigosanje predmeta od plemenitih metala –  
Oznaka i naziv iz JRJN: 44423800-9-Metalni žigovi**

### **Član 1.**

Prihvata se preporuka Stalne komisije za javne nabavke (u daljem tekstu: Komisija), broj 09-11-3-1608-4/20 od 28.10.2020. godine i poništava se postupak za javnu nabavku opreme za žigosanje predmeta od plemenitih metala – Oznaka i naziv iz JRJN: 44423800-9- Metalni žigovi.

### **Član 2.**

Ova odluka objaviti će se na web-stranici [www.fmeri.gov.ba](http://www.fmeri.gov.ba) istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

### **Član 5.**

Ova odluka stupa na snagu danom donošenja.

## **O b r a z l o Ź e n j e**

Postupak javne nabavke pokrenut je Odlukom o pokretanju postupka javne nabavke opreme za žigosanje predmeta od plemenitih metala - Oznaka i naziv iz JRJN: 44423800-9 – Metalni žigovi broj: 09-11-3-1608/20 od 06.10.2020. godine.

Javna nabavka je provedena putem Konkurentskog zahtjeva za dostavu ponuda.

Procijenjena vrijednost javne nabavke je 8.940,00 KM bez uračunatog PDV-a.

Obavještenje o nabavci broj 1380-7-1-23-3-14 poslano je na objavu dana 09.10.2020. godine. Tenderska dokumentacija objavljena je u sistemu „E-nabavke“.

Zahtjev za dostavu ponuda prosljeđen je na adrese tri ponuđača istovremeno sa slanjem obavještenja na Portal javnih nabavki.

Dana 28.10.2020. godine, Komisija je federalnom ministru energije, rudarstva i industrije dostavila Zapisnik o pregledu i ocjeni ponuda i Preporuku o izboru najpovoljnijeg ponuđača za javnu nabavku opreme za žigosanje predmeta od plemenitih metala – Oznaka i naziv iz JRJN: 44423800-9- Metalni žigovi.

Komisija je blagovremeno i pravilno izvršila otvaranje ponude i izvršila pregled i ocjenu pristiglih ponuda, o čemu je sačinila odgovarajuće zapisnike u kojima je utvrđeno sljedeće:

- da je blagovremeno pristigla ukupno jedna (1) ponuda;
- da nije bilo neblagovremeno zaprimljenih ponuda;
- da je ponuda ponuđača „APICAL“ d.o.o Sarajevo odbijena iz sljedećeg razloga:

Ponuđač je dostavio sve dokaze tražene tenderskom dokumentacijom, te je ponuda prihvatljiva u formalno-pravnom smislu, ali ne i ekonomskom smislu jer iznos dostavljene ponude premašuje procijenjenu vrijednost javne nabavke, tj. iznos osiguranih sredstava za predmetnu nabavku.

Uvidom i detaljnim pregledom ponude ponuđača „APICAL“ d.o.o Sarajevo Komisija je konstatovala sljedeće:

u obrascu za cijenu ponude utvrđeno je da je ponuđač ponudio ukupnu cijenu ponude bez PDV-a u iznosu od 9.799,84 KM.

Planom nabavki Federalnog ministarstva energije, rudarstva i industrije za 2020. godinu u stavci 20 predviđen je predmetni postupak za koji su planirana, predviđena i osigurana sredstva u iznosu od 8.940,00 KM bez PDV-a.

Također, Odlukom o pokretanju postupka javne nabavke opreme za žigosanje predmeta od plemenitih metala - Oznaka i naziv iz JRJN: 44423800-9 – Metalni žigovi broj: 09-11-3-1608/20 od 06.10.2020. godine određen je iznos nabavke od 8.940,00 KM bez PDV-a.

Članom 69. stav (2) tačka e) Zakona o javnim nabavkama propisano je da je ugovorni organ obavezan poništiti postupak nabavke ukoliko su cijene svih prihvatljivih ponuda znatno veće od osiguranih sredstava za predmetnu nabavku.

Kako cijena ponude ponuđača „APICAL“ d.o.o Sarajevo iznosi 9.799,84 KM bez PDV-a, tj. veća je od planiranih i osiguranih sredstava za predmetnu nabavku, time ista za ovaj Ugovorni organ nije prihvatljiva. E-aukcija nije zakazivana.

Iz navedenih razloga, primjenom člana 69. stav (2) tačka e) Zakona o javnim nabavkama BiH, odlučeno je kao u dispozitivu.

#### **POUKA O PRAVNOM LIJEKU:**

Ponuđač koji je učestvovao u postupku nadmetanja može, radi zaštite svojih prava i pravnih interesa izjaviti žalbu Federalnom ministarstvu energije, rudarstva i industrije u roku od 5 (pet) dana od dana prijema ove odluke.

#### **DOSTAVITI:**

- „APICAL“ d.o.o Sarajevo
- Evidenciji
- a/a

  
MINISTAR  
Nermin Džindić